

Trun-Cultura

GASPARE O. MELCHER / MATIAS SPESCHA

sonda, 15 da mars 2025, 00:00 – dumengia, 25 da matg 2025, 23:59



El center dall'exposiziun da Gaspare O. Melcher stat – sin fundament da si'entupada cugl «alphabet poétique» da Matias Spescha – la profunda reflecziun dad omisdus artists partenent ils principis digl uorden dalla concepziun da maletg e spazi.

Temps d'avertura

Venderdis – gliendisdis, 14:00-17:00

Vernissascha

Sonda, 15 da mars 2025, 14:00-17:00. [Program](#)

Entrada

carschi CHF 10.– / 7-20 onns CHF 5.–. Entrada gratuita per [commembers da Trun Cultura](#) e per affons tochen 7 onns

Ticket cumbinau cun **Museum Sursilvan Cuort Ligia Grischa** (valeivel durant las exposiziuns da 2025) CHF 17.- / 8.-

Arrivada

Tuttas informaziuns anfleis Vus sut [viseta](#).

[flyer dalla exposiziun](#)


Exposiziun

Gaspere Otto Melcher perscrutescha en sias ovras serialas il lungatg dil maletg e lur ragischs che sesanflan tenor siu meini ella prehistoria, veseivlas era ellas scartias da maletgs antics sco «ideographische Grundgeru?ste». Aschia vegn el tschaffaus dalla scuntrada cugl «alphabet poétique» da Matias Spescha e siu lungatg dil maletg che presenta per el medemamein leschas fundamentalas dalla relaziun maletg e spazi.

En sias atgnas ovras creescha Melcher cun agid dalla tecnica da cumpressiun dils segns ideografics fuormas fetg complexas ch'el declinescha a moda d'in regal da cumposiziun sin pupi ni sin teila. En sias serias sesviluppeschon quels sistems da segns a texts abstracts, ch'ei – cuntrari alla scartira usitada – buca da leger linear, mobein illustreschan el medem mument ideas e patratgs complexs.

Cuntrari alla cumpressiun dil mied figurativ da Melcher anflan ins tier Matias Spescha la tscherca dalla reducziun sin igl essenzial. Quei ei bein da veser ella creaziun grafica tras fuormas e lingias ch'ei la basa da siu «alphabet poétique» da 1979.

Ell'exposziun actuala tscherca las ovras da Melcher, a post creadas, il dialog cun las ovras da Spescha dils onns 1980 e 1990. En connex cun quella exposiziun ha liug ils 3 da matg 2025 in [discuors cugl artist](#) e dr. Beat Stutzer.



**Liug**

Spazi d'art Matias Spescha, Via Fabrica 13, 7166 Trun

Organisatur

Trun Cultura

Damondas

info@trun-cultura.ch